

四庫全書

史部

欽定四庫全書

吏部

欽定歷代職官表卷

三十九
四十

給事中
臣劉湄覆勘

纂修
臣黃校勘內閣中書
臣張經田

謄錄
臣監生
臣沈毓麟

欽定四庫全書

欽定歷代職官表卷三十九

內務府上駟院表

三代秦漢後漢

梁陳

北魏

北齊

後周

隋唐

五季

宋

遼

金

元

明

校中
大夫

驛校尉

驛監

驛使

驛司

驛頭

驛局

驛所

驛馬

驛使

驛監

驛使

驛司

驛頭

驛局

驛所

驛馬

右司主事

國師

右司員外郎

國師

左司主事

執印下
士
度令

大抵本長增廣
水軍馬車
五正
龍其間
酌量度
酌量水
林森點
云既水

右龍著右殿下
正
士
右龍著東來
正

右龍著右殿中
令
士
右龍著右閣來
令
御

左龍著左殿下
正
士
左龍著

右天驕
監官
右天驕
珍監官

上駟侍衛司鞍長 廐長牧副長牧長

駟中
駟下
士
士

駟中
駟下
士
士

駟中
駟下
士
士

大駟
中駟
三駟
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

駟中
駟下
士
士

蒙古醫生頭目

聖
恩
下

醫
官

聖
恩
下

內務府上駟院

國朝官制

上駟院兼管事務大臣無定員卿二人

正三品由侍衛補授一人由內

務府司官補授一人

掌總理

御廄事務供直扈從應用諸馬政皆總司之及廄屬官

員選除賞罰之事初名御馬監順治十八年改為

阿敦衙門以大臣侍衛等守管理無定員康熙十

六年改為上馬院三十三年額設堂官一人雍正
六年定為三品卿職乾隆十四年定為卿二人所

主有

上乘御馬一廐

皇子乘馬一廐

南苑御馬六廐

御騾二廐小馬一廐駕馬六廐

儀仗馬一廐又有大凌河牧羣上都達布遜諾爾達

里岡崖牧羣各設有總管翼領牧長牧副等員皆
歸上駟院統轄

堂郎中一人主事二人委署主事一人左司右司員外
郎各二人主事各一人委署主事各一人筆帖式二十
二人

堂郎中主事掌辦理揀選補放及稽查馬匹錢糧
文移檔案等事左司員外郎主事掌內外羣廐游
牧處馬駝數目及定議賞罰之事右司員外郎主

事掌員役俸廩馬駝草豆稽核奏銷之事康熙十六年設員外郎四人主事一人二十四年設郎中一人增設員外郎二人三十三年分為左右二司增設主事三人三十八年裁員外郎二人五十九年設委署主事三人雍正元年增一人尋省乾隆二十二年仍設委署主事三人筆帖式康熙十六年以來陸續增置

上駟侍衛二十一人司鞍長三人

六品職銜

廄長十七人牧

長五人副牧長五人牧廐副四十五人蒙古醫生頭目

三人

六品
職銜

上駟侍衛掌演習御馬廐長等官掌時其芻牧謹
其出入以聽堂司之政令康熙三十三年設辦理
堂務上駟侍衛四人辦理二司事務各二人後增
設七人乾隆二年增設六人廐長牧長以下康熙
十六年以來陸續增置

歷代建置

三代

周禮夏官校人中大夫二人上士四人下士十有
六人府四人史八人胥二人徒八十人掌王馬之
政辨六馬之屬種馬一物式馬一物齊馬一物道
馬一物田馬一物駕馬一物凡頒良馬而養乘之
乘馬一師四圉二乘為皐皐一趣馬三皐為轂轂
一馭夫六轂為廢廢一僕夫六廢成校校有左右
駕馬三良馬之數麗馬一圉八麗一師八師一趣

馬八趣馬一馭夫天子十有二閑馬六種○趣馬
下士皐一人徒四人掌贊正良馬而齊其飲食簡
其六節○牧師下士四人胥四人徒四十人掌牧
地皆有厲禁而頒之○廋人下士閑二人史二人
徒二十人掌十有二閑之政教以皐馬佚特教駢
攻駒○圉師乘一人徒二人掌教圉人牧馬○圉
人良馬匹一人駕馬麗一人掌養馬芻牧之事○
馬質中士二人府一人史二人賈四人徒八人掌

質馬○巫馬下士二人醫四人府一人史二人賈
二人徒二十人掌養疾馬而乘治之相醫而藥攻
馬疾受財于校人○馭夫中士二十人下士四十
人掌分公馬而駕治之

注乘調六
種之馬

春秋左氏傳馬有圉牛有牧

鄭康成周禮注趣馬下士馭夫中士則僕人上士
也賈公彥疏序官無僕夫士數之文以此文官尊
者馭卑者馭夫既中士則僕夫上士可知

謹案成周馬政掌於夏官司馬自校人以下各
司厥職曰掌王馬之政曰掌十有二閑之政教
蓋惟天子供御之馬以校人諸官掌之故鄭注
以王路駕種馬戎路駕戎馬金路駕齊馬象路
駕道馬田路駕田馬駕馬給宮中之役六馬之
屬皆以天閑所牧養者為職其他行軍田役所
需之馬則有邱甸出車之法掌自司徒而不為
校人以下之所隸屬是校人諸官正今上駟院

之職掌也通典諸書序馬官沿革校人諸職繫之太僕寺則以漢唐太僕皆兼主御馬因聯而及之今故以校人之職與太僕寺篇互見而證明其為天閑之職掌者如此至馭夫長馭應入鑾儀衛篇以其兼掌乘調六馬實與今之上駟侍衛相近而校人職中亦有馭一馭夫之文是又為馬政之屬官故亦從附見焉

秦

謹案通典稱秦官有太僕正太僕丞而後世之
尚乘局自秦以來其職皆在太僕是御馬之職
秦時必以太僕主之但其先汧渭牧馬見於史
記駟騏驎詠于風詩而一代官制則史傳闕
如畧無可考故僅能指溯其大概而不可復詳
焉

漢

漢書百官公卿表太僕屬官有大廐未央家馬三

令各五丞一尉

師古曰家馬者主供天子私用非大祀戎事軍國所須故謂之家馬

也

又龍馬閑駒索泉駒駮丞華五監長丞

如淳曰索泉廐

在索泉

宮下

中太僕掌皇太后輿馬不常置也武帝太

初元年更名家馬為桐馬

應劭曰主乳馬取其汁桐治之味酢可飲因以

名官也

漢書傳介子列傳介子以駿馬監求使大宛

王應麟玉海武帝以嚴安為騎馬令主天子之騎

馬傳介子為駿馬監金日磾拜為監

三輔黃圖路軫殿在未央宮掌宮中輿馬亦曰未央殿漢書曰武帝時期門郎上官桀遷為未央殿令

謹案漢舊儀未央與路軫為天子六殿之二則路軫殿非即未央殿可知三輔黃圖謂路軫殿亦曰未央殿似合而為一豈因路軫殿在未央宮遂得通名歟

三輔黃圖未央大殿在長安故城中漢官儀曰

未央宮六殿長樂承華等殿令皆秩六百石翠華殿大輅殿果馬殿騎馬殿大宛殿軌梁殿胡河殿駟騶殿皆在長安城外霸昌觀馬殿在長安城外都殿天子車馬所在中殿皇后車馬所在

謹案漢舊儀天子六殿未央承華駟騶騎馬路軫大殿百官公卿表有家馬龍馬閑駟橐泉等名而三輔黃圖又載有翠華殿大輅殿果馬殿大宛殿軌梁殿胡河殿霸昌觀馬殿為漢儀漢

表所不及載可以補漢制之闕

玉海中殿令祕彭祖為之

漢書百官公卿表水衡都尉屬官有技巧六殿令丞成帝建始二年省技巧六殿官

顏師古漢書注漢舊儀云天子六殿未央承華駟騶騎馬路軫大殿也馬皆萬匹據此表太僕屬官已有大殿未央路軫騎馬駟騶承華而水衡又云六殿技巧官是則技巧之徒供六殿者其官別屬

水衡

劉攽漢書刊誤表叙水衡九屬官技巧六廐各一物也後省技巧六廐顏遂謂此都是一官非矣蓋上林自有六廐一令丞主之後六廐等各別有官非此六廐也

謹案漢御馬掌于太僕其屬官如諸牧苑令丞牧索令丞等分主國馬別見于太僕寺表至如大廐未央騎馬閑駒等令丞則皆以御馬為職

是正今日上駟院之比而駿馬監騎馬令中太僕等官皆親近宮禁之職掌也惟史言六廐馬皆萬匹武帝承文景蓄積海內殷富廐馬有四十萬匹因發數十萬騎追擊匈奴則六廐之馬亦並以供行軍之用蓋其時國馬御馬總掌其成于太僕為職不分故朕而及之也橐泉廐之在橐泉宮下大廐未央等六廐之主于水衡蓋各以其廐地牧地之所在屬之而其制又可考

見矣顏師古以水衡之技巧六廐為一官謂以技巧供六廐則如後世象馬舞馬之比劉攽以水衡別有六廐令丞非即太僕之六廐則技巧與廐令兩不相屬視顏義尤為諦審焉

後漢書百官志未央廐令一人六百石本注曰主

乘輿及廐中諸馬

漢官曰員吏七十人卒騎二十人

長樂廐丞一

人

漢官曰員吏十五人卒騎二十人皆宿苑官田所一人守之

舊有六廐皆六

百石令中興省約但置一廐後置左駿廐別主乘

輿御馬後或併省

袁宏後漢紀靈帝初置騾驢廄丞領受郡國調馬而豪右辜擢馬一匹至二百萬

謹案後漢百官志但載未央長樂二廄名而騾驢廄之置丞獨見于此

古今注漢安元年七月置承華廄令秩六百石

王
海

引此今本古
今注無之

謹案順帝紀漢安元年置承華廄東觀記曰時

以遠近獻馬衆多圉廐充滿始置承華廐東京
賦云駙承華之蒲梢注廐名即謂此也但攷張
衡傳衡卒于永和四年下距漢安元年凡四年
衡東京賦內已有承華之名則承華廐之設當
在漢安元年之前矣順帝紀謂漢安元年始置
承華廐豈舊有此廐至漢安元年始更新之而
因以置令乎

杜佑通典東京有未央廐令掌乘輿及宮中之馬

謹案東漢裁六廄止存未央長樂一令一丞而左駿廄令或置或併蓋自光武却駿馬以駕鼓車而廄置日省故主乘輿御馬之職其可考見者止此其隸于太僕則與西漢並同至通典言未央廄令并主宮中之馬則中廄太僕亦其所兼掌矣

三國

魏都賦冀馬填廄而駟駿注鄴城西下有乘黃廄

通典魏官第九品總章戲馬監

唐六典漢未央令魏改為乘黃殿乘黃古之神馬
因以為名

通典漢有未央殿令魏改為驂騑殿

謹案魏改東漢之未央殿令為乘黃署為驂騑
殿乘黃以神馬為名實兼主乘輿車輅故互見
于鑾儀衛篇驂騑殿為後代龍殿內殿之所自
始而晉宋以後遂分屬門下省則正上駟院之

職也總章戲馬監不詳職掌要為親近供御之馬
矣

晉

晉書職官志太僕統乘黃廐驊騮廐龍馬廐等令
自元帝渡江之後或省或置太僕省故驊騮為門
下之職

謹案晉制以太僕兼掌御馬與漢魏同其龍馬
廐承漢制而乘黃驊騮則承魏制也通典言宋

以後驛騶為門下之職今考晉書所載自渡江省太僕而驛騶改隸是分屬門下固始于東晉時矣

宋齊梁陳

宋書百官志驛騶廄丞一人

通典自宋以後分驛騶署為門下

齊職儀乘黃獸名也龍翼馬身黃帝乘之而仙因以名廄乘黃令品第七秩四百石

唐六典齊門下領內外驛驢廄

隨書百官志梁制門下省掌驛驢廄丞

通典梁太僕統龍廄內外廄陳因之

謹案江左以驛驢廄隸門下而梁陳仍有龍廄
內外廄屬於太僕蓋晉宋省太僕而梁仍置為
卿于是御馬之職分屬於門下與太僕也

北魏

洛陽伽藍記劉騰寺東有太僕寺寺東有乘黃署

冊府元龜魏太僕有驛騶廢令

通典魏官從八品驛騶左右龍諸署令

冊府元龜後魏獻文帝時呂文祖以勲臣子補龍
牧曹奏事中散

謹案史稱魏置野馬苑于雲中置牧地于河西
馬三百餘萬匹牧馬之盛無如後魏至御馬之
職則仍以太僕之驛騶龍署主之蓋承西晉之
制而所云龍牧曹殆即龍署令之職與

北齊

隋書百官志後齊制太僕寺統驛驢左右龍等署

掌御馬及諸鞍乘

令丞驛驢署又有奉承直長二人左龍

署有左龍局右龍署有右龍局並有都尉

通典北齊有驛驢左右龍等署驛驢署有奉御十

人管十二閑馬

謹案齊與魏同制其左右龍蓋如今之左司右

司驛驢署之奉御則如今之上駟侍衛也

後周

通典後周官正三命夏官左廡右廡上士正二命
夏官左廡右廡中士正一命夏官左廡右廡閭長
下士

唐六典典牧署後周有左廡右廡上士

謹案後周官制皆取法于成周其典廡之屬于
夏官者有士三等而校人中大夫則未有其職
意者史文脫畧遂不可考歟左廡右廡之所典

蓋兼王馬與國馬故今與太僕寺篇並見焉

隋

隋書百官志太僕寺統驛驄龍廄等署各署令二人丞二人驛驄牧置儀同及尉大都督帥都督等官煬帝減驛驄署入殿內尚乘局改龍署曰典廄署○尚乘局奉御二人正五品置左右六閑有直長十四人

通典驛驄左右龍等署隋如北齊○大業三年分

門下太僕二司取殿內監名以為殿內省領尚乘

等局

領左右六閤及諸閤

每局置奉御二人以總之置直長

以貳之

謹案隋初以驛驢署隸太僕後改為尚乘局入

殿內而隸于門下省其所掌為左右六閤正為

供御之職而又併入于諸閤則所隸又廣矣通

典言隋太僕制如此齊則史所謂龍署者固亦

有左右龍之分掌也至驛驢牧置儀同都督等

官則與今上駟院之設為卿職者亦髣髴相近
故並著焉

唐

舊唐書職官志殿中監尚乘局奉御二人

從五品上

直

長一人

正七品下

奉乘十八人

正九品下

司庫一人

正九品下

司

廩二人

正九品下

書令史一人書吏十四人奉御掌內

外閑廐之馬辨其麀驪良而率其習馭直長為之貳

一曰左右飛黃閑二曰左右吉良閑三曰左右龍媒閑四曰左右駒駉閑五曰左右駉驪閑六曰左右天苑閑開元時

仗內六開曰飛龍祥麟鳳苑凡秣馬給料以時為
鵠鵠吉良六羣等號六廐馬

差凡外牧進良馬印以三花飛風之字而為志奉

乘掌橐稊出納獸醫掌療馬病

初尚乘局掌六開馬後置內外開廐

使專掌御馬開元初以尚乘局隸開廐使乃省尚
乘其左右六開及局官並隸開廐使領之也進馬
舊儀每日尚乘以廐馬八匹分為左右廂立于正
殿側宮門外候仗下即散若大陳設即馬在樂懸
之北與大象相次進馬二人戎服執鞭侍立于馬
之左隨馬進退雖名管殿中其實武職用資蔭簡
擇如千牛備身天寶八載李林甫用事罷立仗馬
亦省進馬官十二載楊國忠當政復立仗馬及進
馬官乾元復省
上元復置也

通典隋置尚乘局唐因之增置奉御四人龍朔二

年改為奉駕大夫咸亨元年復舊

掌六開馬

開元中減

二人先是別置殿使因隸馬猶屬殿中

武后萬歲通天二年

五月置仗內閣殿令殿中丞袁懷哲檢校至聖
歷二年改為少監閣殿使自後他官相循為之直

長隋置十四人唐減四人

雍錄飛龍殿後苑有驥德院所在韋后入飛龍殿

蓋自元武門出宮入殿也

玉海貞觀十三年三月吉良殿產白馬朱驤

謹案山海經犬戎之國有文馬縞身朱鬣目若

黃金名曰吉彊

彊或作良

乘之壽千歲唐有左右吉

良閑義昉于此

冊府元龜肅宗至德二年詔園苑內有閑廐使總

監各據所管地界耕種收草粟以備國馬○代宗

大歷十四年復置廐馬隨仗於月華門○文宗開

成元年以飛龍使馬二百匹賜京兆府充給諸驛

四年飛龍進請監牧馬一歲馬二千七百匹

謹案自秦漢以來馬政皆主于太僕惟東晉宗齊或省太僕則以隸于門下至梁陳仍以太僕卿主之其驛驢廐之改隸殿內省自隋始而唐則仍之但隋改驛驢為尚御尚由殿內以隸于門下省唐則殿中自為立省不隸門下于是御馬之制既不復繫屬於太僕門下而專為殿中省之專司與今日上駟院之專隸于內務府者法意較為相近唐又嘗置閑廐使屬殿中而以

尚乘奉御隸之又嘗罷尚乘而以內外閑廐使專主其事總之皆為廐中之屬稍有變更而其制不大相殊也至其後領閑廐者多為左右親暱之人不必盡以廐中掌領于是有控鶴監有控鶴左右監後改為天驥府又改為奉宸大夫見通典則非經常之制不足備列至文宗時又有飛龍廐使不言所隸何省蓋亦專司御馬之職也

五季

冊府元龜後唐明宗即位以康福為飛龍使○長興元年分飛龍殿為左右以小馬坊為右飛龍院○後周顯德二年詔飛龍院馬有病患老弱可送同州沙苑監衛州牧馬監以盡其飲齕之性

謹案五季廢省諸卿殿中奉御之職皆所不設惟飛龍使仍唐之舊為御馬之職冊府元龜又載天成二年宰臣任圜奏藩牧臣寮每正至慶

賀例皆進馬備乘奉于帝車資駟駿於天廐道途之役護養為難請改貢綾絹金銀隨土產折進馬之直無請別選孳生馬分置監牧敕從之是天成以後供奉之馬亦並散隸於諸監牧中矣

宋

馬端臨文獻通考宋太僕寺邦國廐牧之政令分隸羣牧司驥驤院本寺但掌天子五輅元豐改官

制置卿少卿丞主簿掌車輅廐牧馬政之令所隸
官司驥驥院左右天駟監掌養國馬鞍轡庫掌御
馬鞍轡及給賜臣下上下監掌治療馬病元祐初
置左右天廐坊紹聖初置孳生監中興後廢太僕
併入兵部○宋有羣牧司制置使以樞密使副為
之掌內外廐牧之事周知國馬之政而察其登耗
左右驥驥院勾當官各三人以諸司使副及內侍
充掌牧養國馬以供乘輿及頒賜王公羣臣蕃夷

之用天馬^四左右四監監官各一人左右天廐坊監官各一人牧養上下監官各一人並以三班使臣

充○兵部駕部建炎三年併太僕寺隸馬太僕有

騏驎車輅二院

左右騏驎院監官二員以武臣充掌司國馬總教駿四指揮之衆以

養餼諸馬

○宋制殿中省尚乘歸騏驎院內鞍轡庫

宋會要左右飛龍院興國五年改名天廐院雍熙

二年十月丙辰改為左右騏驎院左右各領天馬^四

二監天廐一坊舊制國馬之政皆騏驎二院監官

專之

謹案宋御馬之掌始終更易凡三其初為羣牧
司制置使所轄有左右騏驎院天駟左右四監
左右天廐坊等官則並掌於樞密院副使元豐
定官制以後始改隸于太僕寺卿官屬有十而
騏驎等院隸焉中興以後又廢太僕寺改隸于兵
部之駕部有騏驎車輅二院然職司雖存月遣
司官一至而已是始終三變而其職益輕也其

他則有河南飛龍院大名養馬務諸職蓋皆羣牧司之所掌至于殿中省六尚之局獨裁去尚乘而以其事歸驤驥院此與前代互異之大槩也

遼

遼史百官志遼北面著帳官承應小底局習馬小底○諸殿官尚殿使尚殿副使○飛龍院飛龍使飛龍副使○總領內外殿馬局總領內外殿馬○

南面官殿中司尚乘局奉御

謹案遼有諸路羣牧使司職主馬政為今太僕寺之掌其北面官之尚廄飛龍等使自為御馬之職而總領內外廄則又總其事而兼轄之者也南面又有太僕寺官但既有殿中司之尚乘局則太僕寺所掌自不與御馬相關故不復載焉

金

金史百官志 殿前都點檢司尚廐局提點正五品

副使從六品掌御馬調習牧養以奉其事

大定二十九年

添副使一員
管小馬羣

直長一員司馬牛羣掌廐都轄正九

品

不限員

副轄從九品

不限員
數資考

謹紫金代馬政皆轄于羣牧司唯尚廐局提點

屬于殿前都點檢猶前代殿中奉御之職蓋用

遼制而名之曰尚廐也其所掌為御馬之調習

牧養而併供其事是正今日上駟院之職也

元

元史百官志太僕寺秩從二品中統四年設羣牧所至元十六年改尚牧監十九年又改太僕院二

十年改衛尉院二十四年罷院立太僕寺又別置

尚乘寺以管鞍轡而本寺止管阿都齊

滿洲語牧馬人也原

作阿塔思馬
今改正

虞集經世大典序錄太僕典御馬太廟祀事及諸寺影堂用乳酪則供牝馬駕仗及宮人出入則供

上乘馬供上及諸王百官飼乳取黑馬乳以奉王
食謂之細乳諸王百官者謂之羸乳

謹案元史所載馬政官制頗為簡畧其太僕寺
由羣牧所改設而兼典御馬是今太僕上駟二
職在元皆為太僕寺之掌今故與太僕寺篇互
見至尚乘寺特設為卿而專管鞍轡近於今鑾
儀衛武備院之職茲故不復載焉

明

明史職官志宦官十二監御馬監掌印監督提督
太監各一員騰驤四衛營各設監官掌司典簿寫
字駕馬等員象房有掌司等員

明會典馬政有太僕苑馬寺專理而統於兵部若
內廐馬匹則領於御馬監部寺不得與云

王圻續文獻通考吳元年設御馬司司正正五品副

從五品洪武二年置御馬司正一人副二人十七年

御馬監設令一人正七品丞一人從七品司牧局設大

使一人

正九品

皆於內官內選用二十八年御馬監

設太監一人

正四品

左右少監各一人

從四品

左右監

丞各一人

正五品

典簿一人

正六品

又設長隨奉御

正六品

品

謹案列代御馬之名其沿革皆可詳考自成周

時王馬掌於校人十有二閑上應天駟其職重

矣秦漢以後皆立太僕以專其政則王馬國馬

咸並掌之而漢之橐泉未央及水衡之六廄孳

收漸廣當時任其職者皆以士大夫親近用事者為之與衛尉少府並重後漢省六廄惟置未央一廄又兼主乘輿車輅其馬政視前漢為較省自魏有驛騶廄而晉以下因之其後遂為門下之職與太僕之龍廄并列至隋而始立尚乘奉御專屬於門下之廄內省至唐而殿中監尚乘局并為特設又不與門下相屬而太僕遂不復主御馬之政宋之騏驎天駟院由羣牧司而

改隸太僕由太僕而改隸兵部而羣牧司之勾當官已有以內侍充其職者矣遼金尚殿諸使或領于北面著帳官或領于殿前都點檢司而元則仍歸其職于太僕此列代建置之大槩也迨至明代兵部太僕寺苑馬寺皆有牧場孳育而御用之馬則別設內監專以宦官主之凡諸調習供奉士大夫不得與聞其事蓋自明初定制已然其於成周綴衣虎賁休茲知恤侍御僕

從罔非正人之義渺無復存視列代之列於卿
監掌於朝官者法制皆為不逮矣我

朝初改御馬監為阿敦衙門後易為上駟院定為
三品卿職設郎中員外主事等官以分司其職
而仍統之以大臣所以慎重閑駟訓養而服習
之法制至為詳備云

欽定歷代職官表卷三十九

欽定四庫全書

欽定歷代職官表卷四十

內務府奉宸苑表

三
代秦漢後漢三國晉宋齊北魏北齊後周隋唐五季宋遼金元明

水衡都尉都水使尉府署

苑監諸官院

四國苑上林苑
提舉監利都都
常監

上林苑
監

奉宸苑卿

奉宸苑中員外郎主事

國中
士下士

鈞齋

釣魚令

實命子孫則諸子

श्रीगुरुभ्यो नमः

宣

王林記

各園苑中員外郎主事

問人中
下士

雲夢園華閣上林苑
賦全全

蘇軾詩集

上林署令

上林署上林署
提督令

副苑丞苑

可然

鄭元武工部院

100

華書上林署

承

上林署上林署

六、

鉤盾金	承	水	厨
鉤盾金	承	水	厨

會同右副總諸官
國守國約內全副監丞
市士下承鈎府全丞

宮廷司
勾當官
後苑司
當官

王林記
監製
司花局

工林卿 工林範
吳榮國 令
柳星亭 濯龍
令 直果市
衛留水
司空都
水甘泉
工林都
水等令

清江先生
林氏
今
上
今

筆林書上林書
上林書令
今 諸國記
苑囿盛四面
監 監副監

上林署上林署
提督今今
花木局花園
刺點同同
監同同
國管同

水等水	上林都	司聖都	衡官水	漢尉	解罪子	吳國國	上林衛
		水日溪	上林苑	南國水	鴻池水	果水	龍中水

清溪
林
上林苑

華林薄上林署
上林署水
水
諸園記
水

上林署上林署
水水

良牧
育林
嘉祿四
畧
畧
畧

庫掌催長 | 筆帖式

上林書
天

Washburn

府史錄事

諸實見
事
至薄
帝固
與事

王林等上林署
署前長直長

福田提領所

録事
賈誼

染織

頭曉染
人雪染
草下土

早樂全

西水个案

平準令

永年集

承

平準

平准司

今司色
善美下

大 5)

合 標
退 換



— 官 漢

Figure 1. Schematic diagram of the experimental setup. The subject is seated in a chair, viewing the target through a video screen. The target is a light source that is controlled by a computer. The subject's hand is positioned over the target. The target is a light source that is controlled by a computer. The subject's hand is positioned over the target. The target is a light source that is controlled by a computer. The subject's hand is positioned over the target.

金 壽

100

局内

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

郎外員局

次定四事

欽定歷代職官表

10

司庫庫使

司匠領催

筆帖式

庫使
庫中士
下士

庫書
掌印

庫書
直長

匠上
匠中士

匠書
典事

府史

內務府奉宸苑

國朝官制

奉宸苑兼管事務內大臣無定員卿二人

正三品由侍衛補授一人

內務府司官補授一人

掌總理苑囿事務及本苑職官遷授陞除之事初

景山

瀛臺事務屬尚膳監康熙十年以內務府總管管理

十六年歸併都虞司二十三年設立奉宸苑仍以

內務府總管管理印信雍正六年設奉宸苑堂官
定為三品卿職乾隆十四年定為卿二人所隸有

景山

瀛臺長河

玉泉山稻田殿

南苑

圓明園

暢春園

清漪園等處事務

郎中二人員外郎四人主事一人委署主事一人苑丞

十三人

初正八品乾隆三十六年
定為六品職銜食八品俸

筆帖式十五人

玉泉山稻田廠庫掌一人

正六品

筆帖式三人

郎中主事掌本苑題奏咨行補授職員之事員外

郎中掌管各處園囿河道事務苑丞掌看守直宿

陳設器皿之事稻田廠庫掌辦理稻田蒔種儲

藏之事郎中康熙三十三年設一人乾隆十六年

設一人員外郎主事康熙二十三年設委署主事
四十年設雍正十二年裁乾隆二十二年仍設初
設催總二人雍正二年以後陸續增設乾隆十七
年改名總領二十四年改為苑丞筆帖式

國初以來先後增置

南苑郎中一人員外郎二人主事一人委署主事一人

苑丞三人苑副六人

正八品

筆帖式五人

郎中員外郎主事掌本苑官職陞除及分管九門

草甸圍牆樹木牲獸之事苑丞苑副掌看守直宿
陳設器皿諸事初屬內監管理順治十八年屬採
捕衙門康熙二十三年歸併奉宸苑員額順治十
八年以來先後增設

圓明園管理事務大臣無定員郎中一人協理事務郎
中一人主事一人委署主事一人苑丞六人六品苑副十

七人七品五人八品六人九品六人筆帖式九人掌庫二人六品一人七品一人

長春園熙春園綺春園春熙院管理事務員外郎一人

苑丞三人

六品二人
七品一人

苑副九人

七品八品九品各三人

筆帖式四人

人

暢春園管理事務郎中一人苑丞四人

六品一人
七品三人

苑副

六人署苑副十六人筆帖式六人

清漪園靜明園靜宜園管理事務員外郎各一人苑丞

九人

正六品

苑副十人

七品八品八品二人

筆帖式四人學習筆帖

式二人催長二人

八品一人
未入流一人

郎中員外郎等官分掌園庭事務職守與本苑司

官同

圓明園額雍正三年以來先後置設

暢春園額康熙年間定

清漪園額乾隆十六年以來陸續增定

織染局員外郎無定員

由總管大臣奏委

司庫一人筆帖式三

人庫使六人司匠二人領催二人

掌織造

上用緞紗染綵繡繪之事順治十八年設康熙三年

歸內務府管理乾隆十六年移織染局於

萬壽山初設員外郎一人乾隆十六年裁以

萬壽山總理大臣兼管其辦事員外郎由該大臣奏
委司庫以下員額康熙三年以後陸續增定

歷代建置

三代

周禮地官園人中士四人下士八人府二人胥八
人徒八十人掌園游之獸禁

鄭康成注園游園之
離宮小苑觀處也養

獸以宴樂視之
禁者其藩衛也

牧百獸

注備養衆物也今掖庭有鳥獸自熊虎孔雀至於狐

狸兔鵲備馬賈公彥疏
古謂之周漢家謂之苑

周禮天官閭人王宮每門四人圉游亦如之

注園御苑

也游離
宮也

詩大雅靈臺王在靈囿麀鹿攸伏麀鹿濯濯白鳥

鴈鴈王在靈沼於牝魚躍毛萇傳囿所以域養禽

獸靈囿言靈道行於囿也

晉語文王詢於八虞注周八士皆在虞官伯達伯

适仲突仲忽叔夜叔夏季隨季駟

賈誼新書駟者文王之園虞者園之司獸

謹按天文志言天苑十六星在昴畢南為天子之苑園劉向說苑有黃帝即位鳳集東園之文淮南子泰族訓云湯初作園以奉宗廟簡士卒習射御戒不虞蓋苑囿之由來久矣苑囿既設則必立官以司之此周禮囿人之所為制也囿游之禁屬地官而閭人每門四人仍屬於天官

大正四年

矣文王仍襲虞官舊名至成王時而始名為圉
人其說蓋可並存之以備參考焉

周禮天官染人下士二人府二人史二人徒二十
人掌染絲帛凡染春暴練夏纁玄秋染夏冬獻功
掌凡染事○典絲下士二人府二人史二人賈四
人徒二十人掌絲入而辨其物以其賈褐之

周禮地官掌染草下士二人府一人史二人徒八
人掌以春秋斂染草之物以權量受之以待時而

頌之

謹案列代皆有織染之官而實始於成周之典
絲染人蓋黼黻絺繡元纁織縞自禹夏時已重
其章采而設官則始見于周時我

朝內府廣儲司之六庫已有衣段織造等官而內
織造局特移設於

萬壽山設員外郎等職而總轄於園苑大臣蓋因
地設宜實為

聖朝之勅制故詳序列代織染之官於篇中而仍以成周之染人為始焉

秦

韓非子秦應侯請曰五苑之草著蔬棗橡果棗栗足以活民請發之

左傳鄭有原圃猶秦之有具圃

三輔黃圖漢上林苑即秦之舊苑也

長安志上林苑本秦舊苑也

雍錄東方朔傳曰武帝東游宜春師古曰宜春宮
也在長安城東南上林賦曰息宜春師古曰宮名
在杜縣東即唐曲江也揚雄傳武帝東游宜春師
古曰宜春近下杜也史記秦記曰子嬰葬二世杜
南宜春苑司馬相如從武帝至長楊獵還過宜春
奏賦以哀二世其賦曰臨曲江之隄州望南山之
參差師古曰曲岸之洲曲江也故賦末云弔二世
持身之不謹兮墓蕪穢而不修也參數者言之則

二世之所葬相如之所賦漢之曲洲唐之曲江皆此下杜之宜春也下杜即杜縣曲江宜春去杜縣近去下杜遠此凡及曲江宜春宮皆云下杜當是地屬下杜不屬杜陵即其苑若宮皆秦創而漢唐因之也

杜佑通典秦置平準令掌知物價及主練染作彩色

謹案秦苑囿之官吏傳未見韓非子載秦有五

苑亦未詳其何名惟左傳載秦之具囿三輔黃
圖長安志載秦之上林苑雍錄載秦之宜春苑
今摭錄以存其大槩秦平準令黃主練染為後
世染令之所由昉故首列之

漢

漢書百官公卿表少府屬官上林中十池監又鈞
盾令丞

謹案三輔黃圖上林苑有初池麋池牛首池蒯

池積草池東陂池西陂池當路池太臺池郎池
即百官公卿表所云上林中十池也而初學記
又云漢上林有池十五所承靈昆靈天泉龍魚
薊菌鶴西陂當路東陂太一牛首積草含利百
子三輔黃圖不載承靈昆靈天泉龍魚菌鶴太
一含利百子初學記不載初池太臺池各有異
同至漢表但載十池監其十五所或以十監統
之歟

漢書張釋之列傳從上登虎圈問上林尉禽獸簿不能對虎圈嗇夫從旁代尉對甚悉文帝詔釋之拜嗇夫為上林令釋之以為不可乃止不拜

漢書百官公卿表水衡都尉

應劭曰古山林之官曰衡掌諸池苑故稱

水衡張晏曰主都水及上林苑故曰水衡主諸官故曰都有卒徒武事故曰尉師古曰衡平也主平其稅武帝元鼎二年初置掌上林苑有五丞屬官

有上林均輸御羞禁圃輯濯鍾官技巧六廩辨銅

九官令丞

如淳曰御羞地名也在蘭田其土肥沃多出御物可進者揚雄傳謂之御宿三

輔黃圖御蓋宜春皆苑名也輯濯船官也鍾官主
鑄錢官也辨銅主分別銅之種類也師古曰御蓋
在今長安城南御宿川蓋宿聲相近故或曰御蓋
或曰御宿蓋者蓋珍所出宿者止宿之義輯濯皆
所以行船也六廡
說見上駟院篇 又衡官水司空都水農倉又甘

泉上林都水七官長丞皆屬馬上林有八丞十二
尉均輸四丞御蓋兩丞都水三丞禁圃兩尉甘泉
上林四丞成帝建始二年省技巧六廡官王莽改
水衡都尉曰予虞○步兵校尉掌上林苑門屯兵
謹案三輔黃圖御宿苑在長安城南御宿川中

漢武為離宮別館禁禦不得人往來游觀上宿
其中故曰御宿御羞之當作御宿黃圖疏義甚
明故漢書元后傳夏游御宿鄠杜之間亦作御
宿可証羞宿之以音相誤也

史記平準書初大農筦鹽鐵官布多置水衡欲以
主鹽鐵及楊可告緡錢上林財物衆乃令水衡主
上林

三輔黃圖舊儀曰上林有令有尉禽獸簿記其名

數又有上林詔獄主治苑中禽獸宮館之事屬水

衡

謹案漢制少府有上林十池監文帝時有上林尉虎園嗇夫至武帝別設水衡都尉專主上林苑設官遂以漸廣考水衡所掌不獨園苑自禁錢農倉珍羞廩牧鼓鑄皆其職守而統係之以上林苑苑職有水衡卿諸令丞而又有步兵校尉掌苑門之屯兵至少府之鈎盾令主近苑園

則以近在宮門左右故不隸水衡我

朝定制內外苑囿皆設司官專理而統之以奉宸苑卿蓋合漢少府水衡所屬而歸于一職也

王應麟玉海織染署漢織室掌供冠冕組綬

謹案自隋代合織室染署為一官在漢則東西織屬少府平準屬大農其職不相兼理蓋亦沿秦之舊制也

後漢書百官志少府屬官鈎盾令一人六百石本

注曰宦者典諸近池苑園游觀之處丞永安丞各
一人三百石本注曰宦者永安北宮東北別小宮
名有園觀苑中丞果丞鴻池丞南園丞各一人二
百石本注曰苑中丞主苑中離宮果丞主果園鴻
池池名在洛陽東二十里南園在雒水南濯龍監
直里監各一人四百石本注曰濯龍亦園名近北
宮直里亦園名也在雒陽城西南角

通典鈎盾令宦者典諸近園苑游觀之事屬少府

後漢亦有之

張衡東京賦奇木珍果鈎盾所積

謹案昭帝紀耕鈎盾弄田弄田屬之鈎盾則以鈎盾主苑囿故也成帝紀云未央宮鈎盾中則鈎盾在未央宮矣故五行志謂鈎盾禁中也陳咸傳咸為少府少府多寶物咸皆鈎校官屬及諸中宮黃門鈎盾掖庭官吏舉奏按論畏咸皆失氣鈎盾與黃門諸官並舉則以其在未央宮

切近之地也後漢志鈎盾令其所屬有鴻池丞
鴻池在雒陽東二十里南園丞南園在洛水南
有直里監直里園在洛陽城西南角鈎盾之兼
轄諸地蓋令居禁中統遠近也

後漢書百官志上林苑令一人六百石本注曰主
苑中禽獸頗有民居皆主之捕得其獸送太官丞
尉各一人

通典後漢平準令丞隸大司農熹平四年改平準

為中準使宦者為之列于內署自是諸署悉以閹人為令丞

謹案後漢罷水衡都尉之官置上林苑令屬之司農為歷代上林令之所自昉而少府鈎盾令之所統轄視西漢為頗廣蓋水衡雖廢而其職掌則未嘗不存至平準之改為中準以宦者為之則又少變前漢之法度也

三國

通典魏官第四品都水使者第七品都水叅軍靈芝園監第八品都水使者令史第九品都水使者

書令史

唐六典上林苑令主苑中禽獸魏因之

通典漢之水衡都尉本主上林苑魏氏主天下水軍舟師器械○魏少府屬官有平準令

謹案魏苑園置官承漢之舊亦名之為上林苑令至漢之水衡都尉始改為都水使者主水軍

舟船器械不專以苑囿為職自是而後都水一
官始別為河渠水利而設矣鈎盾令於魏無聞
其平準之屬少府則猶漢制也又考魏都賦苑
以元武陪以幽林注云元武苑在鄴城西又魏
志文帝黃初四年冬甘露降芳林園臣松之案
芳林園即華林園齊王芳即位改為華林故晉
書百官志有華林苑令鄴元武苑丞皆承魏苑
囿之名而設令丞豈魏本自有華林元武令丞

而晉因之乎抑魏之華林元武亦統攝于上林苑令乎又考吳都賦數軍實乎桂林之苑注吳有桂林苑南朝宮苑記桂林苑在落星山之陽南苑在臺城南鳳臺山然則吳又有桂林苑南苑之名當時必有苑官今不可考矣

晉

晉書百官志光祿勳統華林園等令○大鴻臚統華林園鈞盾等令又有鄴元武苑丞○少府統平

準等令

通典上林苑丞晉因之江左無聞

謹案晉志園苑之職光祿鴻臚皆有華林園令
鴻臚又有鄴元武苑丞而瓊圃靈芝等園不與
焉蓋皆統轄于華林令也通典又稱上林苑令
晉與漢同而史志無之意即華林之誤稱歟

宋齊梁陳

宋書百官志上林令一人丞一人漢西京上林中

有八丞十二尉十池監丞尉屬水衡都尉池監隸
少府漢東京曰上林苑令及丞各一人隸少府晉
江左闕宋世祖大明三年復置隸尚書殿中曹及
少府○平準令一人丞一人掌染漢隸司農不知
何世隸少府宋順帝即位避帝諱改曰染署

通典上林苑令丞宋初復置齊因之○平準令宋
惟掌染改曰染署齊又曰平準

隋書百官志梁制司農卿視散騎常侍主上林令

又管樂游北苑丞○光祿卿統華林等令

通典上林苑令丞梁陳屬司農○平準署梁陳則

曰平水令丞○晉大鴻臚有鈎盾令自後無聞

謹案晉江左無上林苑令丞至宋初復設而齊

梁陳因之唯宋齊則統于殿中監及少府梁陳

則屬于司農斯為小異諸代皆有華林苑令梁

屬光祿與晉制同以梁制推之知齊陳之皆屬

光祿矣宋改平準為染署梁陳則復其舊要皆

司農之屬官也

北魏

洛陽伽藍記建春門內御道南有鈎盾典農藉田

三署

謹案後魏官氏志有光祿鴻臚司農少府等官而不詳其所領之屬鈎盾署僅見於洛陽伽藍記而苑令織染諸署皆不見于史考隋書百官志言北齊制官多循後魏則齊之所有當亦魏

之所有今以史無明文故並缺之

北齊

隋書百官志後齊光祿寺統清漳華林等署諸令丞○司農寺掌園地果實統平準太倉等署諸令丞○太府寺統司染等署諸令丞

通典北齊官正六品平準署令從九品華林署令唐六典上林苑令梁陳屬司農北齊亦然

通典鈎盾令北齊如晉制

謹案北齊上林華林鈎盾等署與晉制皆同自
魏廢少府立太府而少府屬官分在司農太府
之屬齊蓋因之而不改也

後周

通典後周正四命冬官司色司織等下大夫正三
命天官染工上士冬官小司色小司織等上士正
二命天官染工中士地官掌禽掌圉掌圃等中士
冬官織綵織組等中士正一命地官掌圉掌圃等

下士冬官織綵織組等下士

謹案後周設官用周制故掌圉掌園屬于地官
染工屬于天官其以司色司織屬冬官者則以
考工記有攻皮之工設色之工故從而隸之今
以其與織染相近故並採錄焉

隋

隋書百官志司農寺統平準鈎盾華林上林等署
令丞後罷華林署以平準隸太府○太府寺統司

染署令丞後分入少府○少府監統司織司染等署後併司織司染為織染署

唐六典鈎盾令隋如北齊

通典苑總監自隋而置東西南北各有監及副監掌苑內宮館園池之事

謹案隋于上林華林諸署外又設苑總監副監分東西南北四面監此因事增設前代所未有也隋又有都水臺承漢之水衡都尉而設其所

掌舟楫河渠不主園苑之務故不復錄少府之
司織司染併為織染署自是而平準令專主管
市易不復掌染故隋以後亦不更列焉

唐

唐書百官志司農寺上林署令二人從七品下丞
四人從八品下掌苑園池植果蔬以供朝會祭
祀及尚食諸司常料季冬藏冰千段先立春三日
納之冰井以黑牡秬黍祭司寒仲春啓冰亦如之

監事十人

有府七人史十四人典事二十四人掌固五人

鈎盾署令二人

正八品上丞四人正九品上監事十人掌供薪炭

鵝鴨蒲蘭陂池藪澤之物以給祭祀朝會饗燕賓

客

有府七人史十四人典事十七人掌固五人

○慶善石門溫泉湯池

等監每監監一人從六品下丞一人正七品下掌

湯池宮禁防堰及侍粟芻修調度以備供奉王公

以下湯館視貴賤為差凡近湯所潤瓜蔬先時而

熟者以薦陵廟

有錄事一人府一人史二人掌固四人

京都諸宮苑

總監監各一人從五品下副監各一人從六品下

丞各二人從七品下主簿各二人從九品下掌苑

內宮館園池禽魚果木凡官屬人畜出入皆有籍

有錄事各二人府各八人史各十六人
亭長各四人掌固各六人獸醫各五人 京都諸園

苑監苑四面監監各一人從六品下副監各一人

從七品下丞各二人正八品下掌完葺苑面宮館

園池與種時蕃養六畜之事

顯慶二年改青城宮
監曰東都苑北面監

明德宮監曰東都苑南面監洛陽宮農圃監曰東
都苑東面監倉貨監曰東都苑西面監有錄事各

一人府各三人史各六人典事各六人掌固各六人九成宮總監監一人從

五品下副監一人從六品下丞一人從七品下主

簿一人從九品上掌修完宮苑供進鍊餌之事

有錄

事一人府三人自監以下品同宮苑武德初改隋仁壽宮監曰九成宮監

長安志禁苑在宮城之北長安故城亦隸苑中有

四面監南面為長樂監北面有漢故城謂舊故宅

監東西面各以本方為名分掌宮中種植及修葺

園苑等又置苑總監都統之皆隸司農寺

唐書百官志織染署令一人正八品上丞二人正九品上掌供冠冕組綬及織絳色染錦羅紗縠綾紬純絹布皆廣尺有八寸四丈為疋布五丈為端綿六兩為屯絲五兩為鈎麻三斤為綬凡綾錦文織禁示於外高品一人專蒞之歲奏用度及所織

監作六人

有府六人史十四人典事十一人掌固五人

雍錄唐大內有三苑西內苑也東內苑也禁苑也三者皆在兩宮之北而有分別西內苑並西內太

極宮之北而東內苑則包大明宮東北兩面也兩
內苑北門之外始為禁苑之南門也禁苑也者隋
大興苑也其西則漢之長安四城皆在包并之內
苑東距霸而北抵渭廣輪所及自周一百二十里
而東西二十七里南北三十二里據所記如此若
以漢地約其道里當不啻此數也中置四監監分
領一方凡立四官四局以監之北軍營衛盡在三
苑四監封畛之內

監理之可知也以史無明文故缺之

宋

宋史職官志司農寺所隸官屬園苑四玉津瑞聖
宜春瓊林苑使掌種植蔬蒔以待供進修飭亭宇
以備游幸宴設

謹案宋職官志載園苑四曰玉津曰瑞聖曰宜
春曰瓊林而石林燕語載瓊林苑金明池宜春
苑玉津園謂之四園獨不及瑞聖職官志亦不

戴金明池宣金明池在瓊林苑北亦統于瓊林苑使故職官志不復載歟

馬端臨文獻通考宋四園苑提舉官以三司判官內侍都知諸司使以上充監官各二人以諸司副或內侍三班使臣充又有西京宮苑司勾當官一人元豐後四園苑屬司農

玉海玉津園在南薰門外周顯德中置之本朝因之三班及內侍監領兵校隸及主典二百六十人

瓊林苑在順天門外道南乾德二年置以三班及
內侍監領池苑兵校軍隸及主典三百三十三人
宜春苑在朝陽門外道南本秦王園太平興國七
年以迎春苑自通津門外汴水瀕乃遷置改名以
其故地為富國倉差三班及內臣監領軍校兵隸
及主典凡二百九十人瑞聖園在景陽門外道東
初為北園太平興國二年詔名含芳以三班及內
侍監領軍校兵隸及主典凡二百一十二人

謹案玉海又載祥符元年三月甲子上巳宴羣
臣於潛龍園宗室於瓊林苑帥臣於宜春苑三
司副使判官館閣官于玉津園諸司使副於含
芳園然則祥符時于四園之外又增潛龍園史
不詳其建置然觀宴近臣於其地則較之瓊林
宜春玉津瑞聖為尤重矣疑亦當以三班內侍
領之也

宋史職官志後苑勾當官無定員以內侍充掌苑

圓池沼臺殿種藝雜飾以備游幸

文獻通考少府屬官染院掌染絲帛幣帛監官二人以京朝及內侍充

謹案宋有玉津瑞聖宜春瓊林四園置提領其餘皇城東西諸園池入官者咸以四提領分隸焉初以三班及內侍充元豐後始改隸司農而亦仍間以內侍領之至內侍省則又別有後苑勾當官主近苑園以備游幸蓋漢以來鈎盾令

之職也南渡後又有金果玉津聚景等園其設
官亦皆領于內侍至染院領于少府亦猶前代
之制也

遼

王圻續文獻通考上林苑署遼北面有監鳥獸詳

衮

蒙古語理事官也
原作詳穩今改正

司官曰監某鳥獸詳衮曰監

某鳥獸都監曰監某鳥人曰監某獸人

謹案遼南面官有宣徽司農少府等屬唯司農

之上林署有監鳥獸諸官近於苑職餘並未詳其南北面行宮都部署亦必各有園苑之職而史無明文今已載入內務府都虞司篇中茲不復述

金

金史百官志工部官屬上林署提點從五品泰和八年勅大安二年省令從六品掌諸苑園池沼種植花木果蔬及承奉行幸舟船事丞從七品

大定三年

增一員分司南京以勾判
兼之大定三年復省一員
直長二員正八品花木

局都監同監舊設接手官四人泰和元年罷復以

諸司人內置都監同監二員貞祐三年罷都同監

以同樂園管勾兼熙春園都監同監三員

泰和四年置貞

祐三年省同樂園管勾二員每年額辦課程隸南運司

宣宗南遷罷課程改為隨朝職正八品○宣徽院

官屬有宮苑司令丞

續文獻通考金上林署屬工部官曰上林署提點

金史百官志少府監官屬織染署令從六品丞從
七品直長正八品掌織絳色染諸供御及宮中錦
綺幣帛紗縠

謹案金以上林署屬工部而花木局都監同樂
園管勾兼隸之皆前代司農之所屬也宮苑司
令丞屬于宣徽與宋內侍省之後苑勾當官相
仿佛金不設內侍省故以為宣徽之屬耳太府
寺有典給署史稱即古之鈎盾令唯典給署專

以供給官府用物不與園苑相關故不著于篇

馬

元

元史百官志大都留守司屬官上林署秩從七品
署令署丞各一員直長一員掌宮苑栽植花卉供
進蔬果至元二十四年置○花園管勾二員掌花
卉果木至元二十四年置

續文獻通考上林署隸大都留守所屬有養種園

花園等職

元史百官志宣徽院屬官安豐懷遠等處稻田提領所龍慶栽種提舉司

謹案元制以上林署養種園花園等職屬之大都留守司與列代之制屬于司農少府者不同至稻田提領栽種提舉屬于宣徽蓋即今

玉泉山稻田廠之比至諸路織染局織染提舉司則盡屬之工部已見內務廣儲司織染篇茲不

具述焉

明

明史職官志上林苑監左右監正各二人

正五品

左

右監副各一人

正六品監正監副後不常設以監丞署職

左右監丞各

一人

正七品

其屬典簿廳典簿一人

正九品

良牧蕃育

林衡嘉蔬四署各典署一人

正七品

署丞一人

正八品

錄事一人

正九品

監正掌苑園池牧畜樹種之事

凡禽獸草木蔬果率其屬督其養戶裁戶以時經

理其養地栽地而畜植之以供祭祀賓客官府之
膳羞凡苑地東至白河西至西山南至武清北至
居庸關西南至渾河並禁圍獵良牧牧牛羊豕蓄
育鵝鴨雞皆籍其牝牡之數而課孳卵焉林衡典
果實花木嘉蔬典時藝瓜菜皆計其町畦樹植之
數而以時苞進焉洪武二十五年議開上林院度
地城南自牛首山接方
山西並河涯比圖上太祖謂有妨民業
遂止永樂五年始置上林苑監設良牧蓄育嘉蔬

林衡川衡冰鑑及典察左右前後十屬署洪熙中

併為蕃育嘉蔬二署

以良牧川衡併蕃育冰鑑林衡併嘉蔬典察四署分併入

宣德十年始定四署正德間增設監督內臣共九

十九員嘉靖元年裁汰八十員革蕃育嘉蔬二署

典署林衡嘉蔬二署錄事

續文獻通考永樂五年三月辛巳復改上林署為

上林苑監秩正五品有左右副丞典簿之屬凡設

十署秩正七品俱以內臣及文職相兼為之後革

內臣

明史職官志司苑局

掌印太監一員管理簽書監工無定員掌蔬菜瓜果

內

織染局

掌印太監一員掌染造御用及宮內應用緞疋城西監綾廠為此局外署

謹案明制大農太府少府等屬官皆裁併于六部不別設官惟上林苑監承漢時舊制而特設為一司初設十署後定為四署而宦官別有司苑局以主在內宮苑初制上林苑監督所署內侍至九十九員之多其後雖旋從裁減而內苑

局管理簽書亦無定員蓋禁近游觀掌于內侍者居多此立法之所以不古若也考自周禮園人屬於司徒漢則少府水衡分主其事至上林苑令之設隸於司農者自後漢始列代皆因而不改苑總監始於隋而增廣於唐世然仍隸司農也宋始以三班及內侍分主四園提領之職而明乃概以宦者領之則益無足稱矣

國朝勅立奉宸苑內外

禁園專設御二人以綜理其事復

特簡管理事務內大臣以總其成檢校勾當職掌昭

然蓋即苑園之設而

聖天子順時對物之義已備著於設官分職之間矣



欽定歷代職官表卷四十